

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TANO

KIKAO CHA TISA

12 NOVEMBA, 2021



ORODHA YA SHUGHULI ZA LEO

MKUTANO WA TANO

KIKAO CHA TISA – TAREHE 12 NOVEMBA, 2021

I. DUA:

II. MASWALI:

OFISI YA RAIS (TAMISEMI):

89. **MHESHIMIWA ABUBAKAR DAMIAN ASENKA
(KILOMBERO):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itatekeleza ahadi ya Mheshimiwa Waziri Mkuu aliyoitoa Mwaka 2018 ya ujenzi wa Hospitali ya Wilaya ya Kilombero.

90. **MHESHIMIWA BUPE NELSON
MWAKANG'ATA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itakamilisha ujenzi wa barabara ya kutoka Kalambo *Falls* hadi barabara kuu inayokwenda Matai yenye urefu wa Km 17.

WIZARA YA MAMBO YA NDANI YA NCHI:

91. MHESHIMIWA CECIL DAVID MWAMBE (NDANDA):

Atamuuliza Mheshimiwa Waziri wa Mambo ya Ndani ya Nchi:-

Je, Serikali imefikia hatua gani katika kutekeleza amri ya Mahakama ya kuwalipa fidia Wanavijiji wanaozunguka eneo la Gereza la Namajani.

92. MHESHIMIWA ESTHER NICHOLAS MATIKO (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Ukatili kwa Watoto ikiwemo ubakaji, ulawiti, kuchomwa moto na mimba za utotoni umekithiri nchini:-

(a) Je, ni Watoto wangapi wamefanyiwa ukatili huo kwa jinsia zao wa kike na wa kiume;

(b) Je, kuna takwimu halisi ya hatua zilizochukuliwa na Serikali dhidi ya matukio hayo nchini.

WIZARA YA AFYA, MAENDELEO YA JAMII, JINSIA, WAZEE NA WATOTO:

93. MHESHIMIWA REGINA NDEGE QWARAY (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

- Je, Serikali ina mpango gani wa kusimamia kikamilifu Sera ya Afya ili Akina Mama Wajawazito na Watoto wasitozwe gharama katika Vituo vya Afya.

WIZARA YA NISHATI:

94. MHESHIMIWA JUSTIN LAZARO NYAMOGA (KILOLO):

Atamuuliza Mheshimiwa Waziri wa Nishati:-

Je, ni lini Serikali itafikisha umeme katika Kata za Nyanzwa, Udekwa na Ukwega Wilayani Kilolo.

WIZARA YA MAJI:

95. MHESHIMIWA NDAISABA GEORGE RUHORO (NGARA):

Atamuuliza Mheshimiwa Waziri wa Maji:

Je, Serikali ina mpango gani wa kumaliza tatizo la maji safi katika maeneo ya Ngara Mjini pamoja na maeneo ya jirani ya Murukulazo, Nyamiaga, Muruguanza na Buhororo yanayohudumiwa na Mamlaka ya Maji safi Ngara.

WIZARA YA UJENZI NA UCHUKUZI:

96. MHESHIMIWA KENNETH ERNEST NOLLO (BAHI):

Atamuuliza Mheshimiwa Waziri wa Ujenzi na Uchukuzi:-

- (a) Je, Serikali ina mpango gani wa kujenga barabara ya Bihawana – Chali hadi Sanza Manyoni kwa kiwango cha lami kwa kuwa barabara hii muhimu huwa haipitiki wakati wa masika;

- (b) Je, Serikali ina mpango gani wa kuinua tuta la barabara katika eneo la Chali ili liweze kupitika wakati wote.

WIZARA YA KILIMO:

97. MHESHIMIWA DEUS CLEMENT SANGU (KWELA):

Atamuuliza Mheshimiwa Waziri wa Kilimo:-

Je, ni lini Serikali itakamilisha Miradi ya umwagiliaji ya Ilemba, Ng'ongo, Maleza, Mititi, Itela, Ilembo na Nkwilo katika Jimbo la Kwela.

98. MHESHIMIWA CHARLES JOHN MWIJAGE (MULEBA KASKAZINI):

Atamuuliza Mheshimiwa Waziri wa Kilimo:-
Nchi yetu imekuwa na mpango mkakati wa kuzalisha mafuta ya kula kiasi cha kutosheleza soko la ndani:-

- (a) Je, ni kwa nini Serikali isiboreshe mpango wa kuzalisha mafuta ya Mawese kimkakati kwa kuhamasisha kilimo cha zao hilo katika Mikoa ya Kagera, Tanga, Pwani, Katavi na Mbeya;

- (b) Je, ni kwa nini Serikali isitumie mfumo wa kilimo kikubwa cha pamoja (*block farming*) ambapo Serikali hubeba gharama za awali na hatimaye sehemu ya gharama hukakwa kwenye mauzo ya Mkulima.

III. MISWADA YA SHERIA YA SERIKALI:

[Kusomwa Mara ya Kwanza]

Muswada wa Sheria ya Marekebisho ya Sheria Mbalimbali (Na.7) wa Mwaka 2021 [*The Written Laws (Miscellaneous Amendments) (No.7) Bill, 2021*]. ●

IV. TAARIFA YA KATIBU WA BUNGE:

V. HOJA YA KUAHIRISHA BUNGE:

WAZIRI MKUU:

VI. WIMBO WA TAIFA NA WIMBO WA AFRIKA MASHARIKI:

**DODOMA
12 NOVEMBA, 2021**

**N.J. MWIHAMBI, *ndc*
KATIBU WA BUNGE**